

cent, illicite autem accipiendo minime delinquant, cum scriptura dicat¹, beatius esse dare quam accipere, et minoris sine dubio constet esse reatus, cogi ad iniquitatem quam cogere, sicut et evangelio significante docemur, factionem Iudeorum in nece Salvatoris maiorem reatum incurrisse Pilatum² instigando, nomine Cesaris deterrendo, quam ipsum Pilatum in iudicando aut milites manum apponendo, quoniam ipse coactus quidem flagellis cesum tradidit crucifigendum³, quem libenter voluit, si permitteretur, absolvere⁴, ipsi autem iussi et forsitan coacti et nolentes crucifixerunt, cui nec sacerdotes nec Iudeorum principes parcere voluerunt.

ideoque⁵ hunc minoris reatus audeam concedere, quam eos, qui pro gratis tribuendis praemia indebita Deum non timentes⁶ ab invitis extorquere <audent>. Et quidem non nego, quod vendentem et ementem par culpa involvat, si vere utriusque intencio equalis est criminis. Sed mee parvitati inter vendentem et ementem nonnunquam multum interesse videtur, quoniam potest emens, ni fallar, bona intencione precium pro praebenda aut elemosina dare, vendens autem cum semper⁷ emolumentum suum

1) Act. 20, 35. 2) 'dilatatum'. 3) Matth. 27, 26; Marc. 15, 15.
 4) 'coactus quidem tradidit crucifigendum, quem libenter voluit, si permitteretur, absolvere, flagellis cesum ipsi' u. s. w. 5) 'eoque'. 6) 'timent'.
 7) Aus 'super'.